

U G O V O R

MOLERSKO FARBARSKI RADOVI

zaključen dana 22.03.2018. godine u Sarajevu između ugovornih strana:

1. Stomatološki fakultet sa klinikama Sarajevo, Bolnička br. 4a, kojeg zastupa Dekan Prof.dr.sci. Muhamed Ajanović, (u daljem tekstu: Naručilac)

Identifikacioni broj: 4200542470007
Poreski broj: 01073987
Transakcijski rn: 3389002207973374

2. "EKO-GRADNJA" d.o.o. Sarajevo iz Sarajeva, Ulica Munira Gavrankapetanovića, br. 106 kojeg zastupa direktor Alen Mujezinović ing.grad, (u daljem tekstu: Izvođač)

Identifikacioni broj: 4201299560007
Poreski broj: 201299560007
Transakcijski rn: 1413065320031215

PREDMET UGOVORA

Član 1.

Predmet ovog Ugovora je izvođenje molersko farbarskih radova na Stomatološkog fakultetu sa klinikama, koje će Izvođač izvršiti Naručiocu u skladu sa odredbama ovog Ugovora i tenderskom dokumentacijom Naručioca broj: 02-2-1-248/17 od septembra 2017. godine i Ponudom Izvođača radova broj: 02-2-1-248-44/17 (02/12/17 od 25.12.2017. godine) od 25.12.2017. godine dostavljenom po otvorenom postupku za nabavku radova molersko farbarskih radova na Stomatološkom fakultetu sa klinikama Univerziteta u Sarajevu. Izvođač radova se obavezuje da predmetne radove izvede stručno i kvalitetno u skladu sa Tenderskom dokumentacijom naručioca i ponudom izvođača radova držeći se tehničkih propisa, pravila i standarda i pozitivnih propisa koji uređuju predmetnu oblast. Ponuda Izvođača radova je u prilogu i čini sastavni dio Ugovora sa specifikacijom radova.

CIJENA

Član 2.

Naručilac će na ime izvršenih ugovorenih radova iz člana 1. ovog ugovora Izvođaču isplatiti

Cijena bez PDV-a: 72.661,74 KM;
Porez na dodanu vrijednost (PDV 17%)= 12.353,50 KM;
UKUPNA VRIJEDNOST/CIJENA sa PDV-om= 85.014,23 KM
(slovima: osamdesetpetiljadačetnaest i 23/100 KM).

Član 3.

Cijena iz prethodnog člana utvrđena je na osnovu vrsta, količina i jediničnih cijena iz Ponude Izvođača/Specifikacija radova.

Ugovorene jedinične cijene su fiksne i ne mogu se mijenjati ni pod kojim uslovima.

TRAJANJE UGOVORA

Član 1.

Ovaj Ugovor se zaključuje na određeno vrijeme u trajanju od 2 (dvije) godine, računajući od dana potpisivanja od strane Naručioca i Izvođača.

NAČIN IZVOĐENJA I ROK ISPORUKE

Izvođač se obavezuje da će izvođenje molersko farbarskih radova vršiti sukcesivno po dostavljenim zahtjevima/narudžbenicama Naručioca radova u trajanju od dvije godine počev od dana zaključivanja ovog Ugovora pod uslovima iz tenderske dokumentacije i prihvaćene ponude, o čemu će se sačiniti Zapisnik o primopredaji.

Izvođač će molersko farbarske radove izvoditi sukcesivno prema potrebama Naručioca, a na osnovu pojedinačnih narudžbenica u kojima će biti naznačene količine i vrste radova, najkasnije u roku od 30 (trideset) kalendarskih dana od momenta dostavljanja pojedinačnih narudžbenica od strane Naručioca.

NAČIN PLAĆANJA

Član 4.

Naručilac će izvršiti plaćanje samo nespornih radova izvršenih/urađenih po ovom Ugovoru i ovjerenih od strane nadzornog lica.

Plaćanje će se vršiti nakon izvršene primopredaje ugovorenih radova bez primjedbe i predaje garancije za izvršene radove, a u roku 30 dana od dana dostavljanja fakture.

Uslovi plaćanja i drugi uslovi koje Izvođač jednostrano unese u fakturu ne obavezuju Naručioca ni onda kada je fakturu primio, a nije joj prigovorio.

Plaćanje će se vršiti na transakcijski račun Izvođača br. 1413065320031215 otvoren kod BBI Bank d.d.

OBAVEZE NARUČIOCA

Član 5.

Naručilac se obavezuje da:

1. Uvede Izvođača u posao;
2. Imenuje odgovornu osobu za nadzor, osigura nadzor nad izvođenjem radova i pismeno o tome obavijesti Izvođača radova;
3. Organizovati primopredaju izvedenih radova u roku od 7 dana od dana prijema obavijesti od Izvođača radova o završetku predmetnih radova.
4. Izvrši plaćanje izvedenih radova na način i u rokovima utvrđenim ovim Ugovorom.

OBAVEZE IZVOĐAČA

Član 6.

Izvođač se obavezuje, naročito:

1. Izvesti radove na način, u rokovima i po cijeni određenoj Ugovorom;
2. Voditi obaveznu dokumentaciju u vezi sa izvođenjem radova/na gradilištu u skladu pozitivnim propisima iz oblasti građenja građevina i izvođenja drugih radova u prostoru: građevinski dnevnik i građevinsku knjigu i dr.

3. Naručioca u pisanom obliku obavijestiti ko je ovlašteni rukovoditelj radova prema ovom Ugovoru;
4. Izvoditi radove u skladu sa tehničkim mjerama, propisima, normativima i standardima koji važe za izvođenje predmetne vrste radova.
5. Pravovremeno preduzimati mjere za sigurnost objekta i radova, opreme i materijala, zaposlenika, prolaznika, saobraćaja, susjednih objekata i okoline;
6. Pridržavati se u potpunosti ovog Ugovora na osnovu kojih se izvode radovi;
7. O svom trošku otkloni sve nedostatke na izvršenim radovima koji se eventualno utvrde u toku izvođenja radova, a na zahtjev i u roku koji odredi odgovorna osoba Naručioca;
8. Otkloni sve nedostatke prilikom primopredaje radova u roku koju odredi odgovorna osoba Naručioca za nadzor;
9. Otkloni sve nedostatke u garantnom roku na koje ukaže Naručilac;
10. Organizuje i obezbjeđuje zaštitu svojih radnika, materijala i imovine na mjestu izvođenja radova, prolaznika, saobraćaja i okoline.
11. Osigura od nezgode na radu sve svoje radnike;
12. Snosi sve eventualne štete prema trećim licima prilikom izvođenja radova, odnosno nastalih kao posljedica izvođenja radova;
13. Po završetku radova ukloni sav višak materijala, opremu, sredstva za rad, te očisti mjesto od otpadaka;
14. Da zajedno sa odgovornom osobom Naručioca sačini Zapisnik o primopredaji završenih radova.

GARANTNI ROK

Član 7.

Garantni rok za kvalitet izvedenih radova iznosi 2 (dvije) godine.

Garantni rok počinje da teče od primopredaje izvedenih radova.

Izvođač radova se obavezuje da će sve nedostatke i kvarove nastale usljed loše i nestručno izvedenih radova, a koji se pojave u garantnom roku, otkloniti o svom trošku u roku od 7 dana od dana poziva Naručioca.

UGOVORNA KAZNA

Član 8.

U slučaju prekoračenja roka za dovršenje radova i primopredaje radova iz ovog Ugovora, Izvođač se obavezuje platiti Naručiocu ugovornu kaznu u visini 0,5% od ukupne vrijednosti ugovorenih poslova za svaki kalendarski dan prekoračenja roka iz člana 7. ovog Ugovora. Ukupna ugovorna kazna ne smije prelaziti 10% ukupne vrijednosti ovog Ugovora. Plaćanje ugovorne kazne ne oslobađa Izvođača radova obaveze da u cijelosti završi i preda Naručiocu izvršene radove.

Ako Naručiocu nastane šteta zbog prekoračenja ugovorenog roka završetka radova u iznosu većem od Ugovorne kazne Izvođač radova je dužan da plati Naručiocu pored ugovorne kazne i iznos naknade štete koji prelazi visinu Ugovorne kazne.

STRUČNI NADZOR NARUČIOCA

Član 9.

Naručilac ima pravo da vrši stručni nadzor nad radovima Izvođača radi provjeravanja i obezbjeđenja njihovog urednog izvođenja, naročito u pogledu vrsta, količina i kvaliteta radova, materijala i opreme i predviđenih rokova.

Radi vršenja stručnog nadzora Naručilac ima pravo pristupa na gradilište, u radionice, pogone i mjesta za uskladištenje materijala.

Stručni nadzor vrši lice koje Naručilac odredi. O licu određenom da vrši nadzor i njegovim ovlaštenjima Naručilac obavještava Izvođača.

Izvođač je dužan da Naručiocu omogući vršenje stručnog nadzora.

Član 10.

Nadzorni organ je ovlašten za vršenje sljedećih poslova:

- Provjeru kvalitete izvođenja radova i primjene propisa, standarda i tehničkih normativa;
- Kontorlu kvaliteta materijala koji se ugrađuje;
- Praćenje poštivanja ugovornih rokova;
- Davanje uputstava izvođaču radova;
- Potvrđivanje izvršenja radova;

Odgovorna osoba u toku izvođenja radova ima pravo da naredi Izvođaču radova da otkloni uočene nedostatke i zabrani ugrađivanje materijala, koji po kvalitetu ne odgovara zahtjevima utvrđenim u Tenderskoj dokumentaciji Naručioca.

Ako Izvođač radova i pored upozorenja i zahtjeva odgovorne osobe ne otkloni uočene nedostatke i nastavi sa nekvalitetnim izvođenjem radova, odgovorna osoba će narediti obustavljanje radova i o tome obavijestiti Naručioca.

Izvođač radova može nastaviti sa izvođenjem radova, uz prethodnu saglasnost odgovorne osobe, ukoliko preduzme i sprovede odgovarajuće radnje i mjere kojima se prema nalazu odgovorne osobe obezbjeđuje kvalitetno izvođenje radova.

Materijal za koji se utvrdi da ne odgovara tehničkim propisima ili standardima, izvođač radova mora o svom trošku da ukloni sa mjesta vršenja radova u roku koji mu odredi odgovorna osoba Naručioca.

Kvalitet materijala koji se ugrađuje i kvalitet izvedenih radova moraju da odgovaraju uslovima po važećim tehničkim propisima, standardima i zahtjevima utvrđenim u Tenderskoj dokumentaciji Naručioca.

OBEZBJEĐENJE I ČUVANJE GRADILIŠTA

Član 11.

Od početka izvođenja do predaje radova Naručiocu, Izvođač je dužan da obezbjedi i čuva izvedene radove, opremu i materijal od oštećenja, propadanja, odnošenja, krađe, uništenja. Izvođač snosi troškove obezbjeđenja i čuvanja izvedenih radova, opreme i materijala i rizik njihovog oštećenja, uništenja, krađe, odnošenja, propadanja.

PRIMOPREDAJA IZVEDENIH RADOVA

Član 12.

Izvođač će odmah, a najkasnije u roku od 7 kalendarska dana, nakon završetka radova, u pisanom obliku, obavjestiti Naručioca da su ugovoreni radovi izvedeni.

Naručilac i Izvođač su dužni da pristupe primopredaji izvedenih radova u roku ne dužem od 7 kalendarska dana računajući od obavijesti iz stava 1. ovog člana. O primopredaji izvedenih radova sastavlja se zapisnik u roku ne dužem od 3 kalendarska dana od pristupanja primopredaji izvedenih radova.

Svaka ugovorna strana pismenim putem određuje svoje ovlaštene predstavnike za obavljanje primopredaje.

Ovlašteni predstavnici ugovornih strana sastavljaju zapisnik o primopredaji izvedenih radova koji sadrži, naročito slijedeće odredbe/podatke:

1. da li su radovi izvedeni prema ugovoru, propisima i pravilima struke;
2. odgovara li način izvođenja radova i kvaliteta izvedenih radova ugovorenim, odnosno koje radove izvođač o svom trošku mora doraditi, popraviti ili ponovo izvesti, u kojem roku to treba učiniti;
3. rok za otklanjanje konstatovanih nedostataka;
4. datum završetka radova i datum izvršene primopredaje kao i početak garantnog perioda;

Zapisnik o primopredaji može sačiniti samo jedan ugovarač bez učešća drugog ako drugi ugovarač neopravdano odbije učešće u primopredaji ili se neopravdano ne odazove na poziv da učestvuje u primopredaji. Takav zapisnik se dostavlja drugom ugovaraču. Danom dostavljanja zapisnika nastaju posljedice u vezi sa primopredajom.

Ukoliko se u zapisniku o primopredaji obostrano konstatuje da Izvođač treba o svom trošku da doradi, popravi ili ponovo izvede pojedine radove, Izvođač je dužan da odmah, a najkasnije u roku od 5 (pet) kalendarskih dana, pristupi izvođenju tih radova.

Ako Izvođač ne izvede radove iz prethodnog stava ovog člana u primjerenom roku koji mu ostavi Naručilac, Naručilac može da angažuje drugo lice da ih izvede.

BANKOVNE GARANCIJE ZA OSIGURANJE IZVRŠENJA UGOVORENIH OBAVEZA

Član 13.

Izvođač je, u smislu osiguranja izvršenja obaveza po ovom Ugovoru, obavezan Naručiocu, dostaviti sljedeće безусловne originalne bankarske garancije (prema formi/obrazcu utvrđenom od strane Naručioca):

- garanciju za uredno izvršenje ugovora/dobro izvršenje posla u iznosu 10 % ukupne vrijednosti Ugovora, sa rokom važnosti garancije: 2 godine;

Izvođač će garanciju iz prethodnog stava dostaviti u roku od 7 dana od dana zaključivanja ovog ugovora/obostranog potpisivanja ovog ugovora.

Garancija za uredno izvršenje ugovora dostavlja se u originalu. Garancija ne smije biti ni na koji način oštećena (bušenjem, i sl.) jer probušena ili oštećena garancija se ne može naplatiti. Ukoliko garancija za uredno izvršenje ugovora nije dostavljena na propisan način, shodno uslovima iz tenderske dokumentacije i u roku iz prethodnog stava, zaključeni ugovor će se smatrati apsolutno ništavim.

RASKID UGOVORA

Član 14.

Naručilac može raskinuti Ugovor jednostrano u slijedećim slučajevima:

- 1) ako se Izvođač radova ne pridržava ugovorenih obaveza, odnosno ukoliko grubo krši odredbe ugovora;
- 2) ako Izvođač radova ne izvede radove u ugovorenom roku, izuzev ako je za odstupanje data pismena saglasnost odgovorne osobe Naručioca za nadzor;
- 3) ako Izvođač radova izvodi radove nekvalitetno i neizvršava poslove po nalogu odgovorne osobe Naručioca za nadzor;
- 4) ako Izvođač bez pismene saglasnosti Naručioca ustupi trećim osobama izvođenje pojedinih radova koji su predmet ovog Ugovora;
- 5) ako Izvođač dođe u situaciju da ne može izvršiti svoje obaveze iz Ugovora;
- 6) ako je neopravdano zaostajanje u izvođenju radova;
- 7) ako Izvođač radova ne otkloni nedostatke po primjedbi odgovorne osobe Naručioca za nadzor.

Ako Naručilac raskida Ugovor zbog neizvršenja ugovornih radova od strane Izvođača radova, Naručilac može raskinuti ugovor, nakon što Izvođaču radova da primjereni naknadni rok za izvršenje ugovorenih obaveza, a Izvođač radova ni u naknadnom roku ne izvrši svoje obaveze.

Član 15.

Ugovor se raskida izjavom u pisanom obliku koja se dostavlja drugoj ugovornoj strani. U izjavi mora biti naveden razlog zbog kojeg se Ugovor raskida.

Član 16.

Ako ugovorne strane sporazumno raskinu ugovor tim sporazumom regulirat će sva pitanja nastala povodom raskida ugovora.

XII OSTALE ODREDBE

Član 17.

Sve izmjene i dopune ovog Ugovora mogu se vršiti samo uz postignutu saglasnost ugovornih strana i zaključenje pismenog aneksa ugovora.

Član 18.

Izvođač nema pravo zapošljavati, u svrhu izvršenja ugovora o javnoj nabavci fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala komisija za nabavke, najmanje 6 mjeseci po zaključenju ugovora, odnosno od početka realizacije ugovora, a u skladu sa Zakonom o javnim nabavkama Bosne i Hercegovine ("Sl. glasnik BiH", broj 39/14), član 72. Stav 6).

Član 19.

Ovaj ugovor stupa na snagu danom potpisivanja od strane ovlaštenih predstavnika ugovornih strana.

Svi rokovi u vezi sa ovim Ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka.

Član 20.

Ugovorne strane su saglasne da će, u slučaju, da pojedina pitanja, vezana za izvršenje obaveza i ostvarivanje prava po ovom ugovoru, istim nisu regulisana, primjenjivati odgovarajuće Zakona važećih za predmetne nabavke i Zakona o obligacionim odnosima.

Član 21.

Ugovorne strane su saglasne da sve eventualne sporove koji nastanu iz odnosa zasnovanih ovim Ugovorom prvenstveno rješavaju sporazumno.

Ukoliko se nastali spor ne može riješiti sporazumom, za rješavanje spora određuje se nadležni sud u Sarajevu.



Član 22.

Ugovorne strane su saglasne da sastavni dio Ugovora čine: Tenderska dokumentacija Naručioca i Ponuda Izvođača radova.

Član 23.

Ovaj ugovor je sačinjen u 4 (četiri) istovjetna primjerka od kojih svaka od ugovornih strana zadržava po 2 (dva) primjerka. Svi primjerci važe kao original i imaju jednako pravno djelovanje.

IZVOĐAČ


Ovlašteno lice: 

Broj: 13-703-1/18
Sarajevo, 16.04. 2018.

M. P.

NARUČILAC
STOMATOLOŠKI FAKULTET SA
KLINIKAMA U SARAJEVU


Dekan Prof.dr sci Muhamed Ajanović

Broj:02-2-1-248-54/17
Sarajevo, 28.03 2018.

